



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<<27>> նոյեմբերի 2018թ.

Ո Ր Ո Շ ՈՒ Մ No. 4007/14-Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով <<Կալեր Մայնինգ>> ՍՊԸ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն ՀՀ ՊԵԿ ՀՎՍԿ սպասարկման թիվ 14-րդ բաժնի կողմից տրված տեղեկանքի <<Կալեր Մայնինգ>> ՍՊԸ-ի (ՀՎՀՀ 09421875, հասցե՝ ՀՀ Սյունիքի մարզ ք. Կապան Գործարանային 17-3, պետ. գրանցման համարը՝ 27.110.01605) <09> նոյեմբերի 2018 թվականի դրությամբ չկատարված հարկային պարտավորությունը կազմել է 4.435.654 դրամ, որից ապառք՝ 3.682.515 դրամ, տույժ՝ 753.139 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <12> նոյեմբերի 2018 թվականին ընկերության տնօրենը Հայաստանի Հանրապետության հրապարակային ծանուցումների պաշտոնական ինտերնետային կայքի միջոցով պատշաճ կերպով ծանուցվել է, սակայն վարույթի նյութերին ծանոթանալու համար չի ներկայացել և նշվածի վերաբերյալ որևէ բացատրություն չի տվել:

ՀՀ ՊԵԿ իրավաբանական վարչության պետի կողմից 14.11.2017 թվականին կայացվել է թիվ 2864/14 որոշումը <<Կալեր Մայնինգ>> ՍՊԸ-ից 517.663 դրամ գանձելու մասին, որի մեջ ներառված է եղել պետական տուրք՝ 507.924 դրամ (ապառք՝ 499.680 դրամ, տույժ՝ 8.244 դրամ), եկամտային հարկ՝ 9.739 դրամ (ապառք՝ 9.596 դրամ, տույժ՝ 143 դրամ):

ՀՀ ՊԵԿ իրավաբանական վարչության պետի կողմից 25.04.2018 թվականին կայացվել է թիվ 773/14-Ա որոշումը <<Կալեր Մայնինգ>> ՍՊԸ-ից 2.819.507 դրամ գանձելու մասին, որի մեջ ներառված է եղել պետական տուրք՝ 111.679 դրամ (տույժ՝ 111.679 դրամ), ավելացված արժեքի հարկ՝ 2.684.800

դրամ (ապառք՝ 2.560.000 դրամ, տույժ՝ 124.800 դրամ), եկամտային հարկ՝ 23.028 դրամ (ապառք՝ 19.477 դրամ, տույժ՝ 3.551 դրամ):

ՀՀ ՊԵԿ իրավաբանական վարչության պետի կողմից 18.09.2018 թվականին կայացվել է թիվ 3084/14-Ա որոշումը <<Կալեր Մայնինգ>> ՍՊԸ-ից 424.381 դրամ գանձելու մասին, որի մեջ ներառված է եղել պետական տուրք՝ 24.733 դրամ (տույժ՝ 24.733 դրամ), շահութահարկ՝ 102.552 դրամ (ապառք՝ 93.762 դրամ, տույժ՝ 8.790 դրամ), ավելացված արժեքի հարկ՝ 293.760 դրամ (տույժ՝ 293.760 դրամ), եկամտային հարկ՝ 3.336 դրամ (տույժ՝ 3.336 դրամ):

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է **674.103 դրամ**, որից՝

ավելացված արժեքի հարկի գծով պարտավորությունը կազմում է **140.160 դրամ**, որն ամբողջությամբ տույժի գումար է և առաջացել է հարկերը սահմանված ժամկետում չվճարելու հետևանքով՝ ՀՀ հարկային օրենսգրքի 401-րդ հոդվածով հաշվարկված տույժերից.

ռեզիդենտի շահութահարկի պարտավորությունը **5.133 դրամ**, որն ամբողջությամբ տույժի գումար է և առաջացել է 2017 թվականի ռեզիդենտի շահութահարկով առաջադրված գումարները սահմանված ժամկետում չվճարելու հետևանքով՝ ՀՀ հարկային օրենսգրքի 401-րդ հոդվածով հաշվարկված տույժերից.

եկամտային հարկի գծով պարտավորությունը կազմում է **1.448 դրամ**, որն ամբողջությամբ տույժի գումար է և առաջացել է հարկերը սահմանված ժամկետում չվճարելու հետևանքով՝ ՀՀ հարկային օրենսգրքի 401-րդ հոդվածով հաշվարկված տույժերից.

պետական տուրքի գծով պարտավորությունը կազմում է **527.362 դրամ**, որից ապառք՝ 500.000 դրամ, տույժ՝ 27.362 դրամ, որն առաջացել է 2018 թվականի տարեկան պետական տուրքի հաշվարկից և <<Պետական տուրքի մասին>> ՀՀ օրենքի 35-րդ հոդվածով հաշվարկված տույժերից.

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն <<Հայաստանի Հանրապետության 2018 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված

հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ սույն որոշումը ենթակա է անհապաղ կատարման:

Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. <<Կալեր Մայնինգ>> ՍՊԸ-ից գանձել 674.103 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ

Ստացա որոշման օրինակը

Ստորագրություն

հարկ վճարողի կամ ֆիզ. Անձի/ պաշտ. Անձի անուն ազգանուն

ամսաթիվ